



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-05/02-04-52071-1/24
Sarajevo, 12. 12. 2024. godine

Na osnovu člana 106. stav (10) Zakona o odgoju i obrazovanju u osnovnoj i srednjoj školim u Kantonu Sarajevo („Službene novine Kantona Sarajevo”, br. 27/24), Pravilnika o izboru, razrješenju i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo („Službene novine Kantona Sarajevo“, br. 46/24), Odluke o standardima i kriterijima za imenovanje na pozicije predsjednika i članova školskog odbora osnovne škole, srednje škole, srednjoškolskog i školskog centra kao javne ustanove na području Kantona Sarajevo („Službene novine Kantona Sarajevo“, br. 39/24), a u skladu sa Zakonom o ministarskim, vladinim i drugim imenovanjima Federacije BiH („Službene novine FBiH”, br. 12/03, 34/03 i 65/13) ministrica za odgoj i obrazovanje Kantona Sarajevo raspisuje

JAVNI OGLAS

za izbor i imenovanje na upražnjene pozicije predsjednika i člana u školskom odboru srednje škole, srednjoškolskog i školskog centra kao javnih ustanova na području Kantona Sarajevo, čija konačna imenovanja vrši Vlada Kantona Sarajevo

I

U Školski odbor srednje škole, srednjoškolskog i školskog centra kao javne ustanove sa područja Grada Sarajeva, imenuju se:

1. Predstavnik osnivača – Ministarstva za odgoj i obrazovanje Kantona Sarajevo (u daljem tekstu: Ministarstva) - predsjednik.....1 član,
2. Predstavnik Grada.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

U Školski odbor srednje škole, srednjoškolskog centra i školskog centra kao javne ustanove izvan područja Grada Sarajeva, imenuju se:

1. Predstavnik osnivača – Ministarstva (predsjednik)1 član,
2. Predstavnik općine na čijem području se škola nalazi.....1 član,
3. Predstavnik roditelja učenika škole.....1 član,
4. Predstavnik radnika škole.....1 član.

U školski odbor srednje škole, srednjoškolskog i školskog centra kao javne ustanove koju je osnovala vjerska zajednica, odnosno crkva samostalno ili sa drugim pravnim ili fizičkim licem, imenuju se:

1. Predstavnik osnivača (predsjednik).....1 član,
2. Predstavnik Ministarstva1 član,
3. Predstavnik roditelja učenika škole.....1 član,
4. Predstavnik radnika škole.....1 član.

II

Na osnovu ovog Javnog oglasa izvršit će se izbor i imenovanje predsjednika i članova na slijedeće upražnjene pozicije u školskim odborima srednjih škola, srednjoškolskih i školskih centara kao javnih ustanova na području Kantona Sarajevo, kako slijedi:

Rb.	Naziv škole	Pozicije u školskom odboru
1.	Javna ustanova Prva gimnazija	Predstavnik roditelja/staratelja učenika – 1 član Predstavnik Grada – 1 član
2.	Javna ustanova Treća gimnazija	Predstavnik Grada- 1 član
3.	Javna ustanova Četvrta gimnazija	Predstavnik Ministarstva (predsjednik)- 1 član; Predstavnik općine- 1 član
4.	Javna ustanova Peta gimnazija	Predstavnik Grada- 1 član
5.	Javna ustanova Prva bošnjačka gimnazija	Predstavnik Ministarstva (predsjednik)- 1 član
6.	Javna ustanova Gimnazija Obala	Predstavnik Grada- 1 član
7.	Javna ustanova Srednja muzička škola	Predstavnik roditelja/staratelja učenika- 1 član
8.	Javna ustanova Srednja medicinska škola – Jezero	Predstavnik Grada- 1 član
9.	Javna ustanova Srednja zubotehnička škola	Predstavnik roditelja/staratelja učenika- 1 član
10.	Javna ustanova Srednja ekonomska škola	Predstavnik Ministarstva (predsjednik)- 1 član Predstavnik roditelja/staratelja učenika- 1 član
11.	Javna ustanova Elektrotehnička škola za energetiku	Predstavnik Ministarstva (predsjednik)- 1 član Predstavnik roditelja/staratelja učenika- 1 član
12.	Javna ustanova Srednja škola za saobraćaj i komunikacije	Predstavnik roditelja/staratelja učenika- 1 član
13.	Javna ustanova Srednja tehnička škola grafičkih tehnologija, dizajna i multimedije Ilidža	Predstavnik roditelja/staratelja učenika- 1 član
14.	Javna ustanova Srednja škola za okoliš i drveni dizajn Sarajevo	Predstavnik Ministarstva (predsjednik)- 1 član
15.	Javna ustanova Srednja škola poljoprivrede, prehrane, veterine i uslužnih djelatnosti	Predstavnik Grada- 1 član
16.	Javna ustanova Srednja ugostiteljsko-turistička škola	Predstavnik roditelja/staratelja učenika- 1 član
17.	Javna ustanova Srednja poslovno-komercijalna i trgovačka škola	Predstavnik roditelja/staratelja učenika- 1 član

18.	Javna ustanova Srednjoškolski centar Vogošća	Predstavnik Ministarstva (predsjednik)- 1 član
19.	Javna ustanova Srednjoškolski centar Hadžići	Predstavnik općine- 1 član
20.	Javna ustanova Srednjoškolski centar „Nedžad Ibrišimović“ Ilijaš	Predstavnik roditelja/staratelja učenika- 1 član
21.	Javna ustanova Centar za slijepu i slabovidnu djecu i omladinu Sarajevo	Predstavnik Grada- 1 član

OPIS POZICIJA

Školski odbor: donosi pravila škole; godišnji program rada srednje škole za tekuću godinu i izvještaj o realizaciji godišnjeg programa rada za prethodnu godinu; finansijski plan i usvajanje godišnjeg obračuna; opće akte o unutrašnjoj organizaciji i sistematizaciji radnih mjesta i drugih općih akata u skladu sa pozitivno pravnim propisima; program rada i izvještaj o radu koji podnosi osnivaču; imenuje i razrješava direktora, pomoćnika direktora/voditelja dijela nastavnog procesa, zaključuje ugovor o radu i prestanku rada direktora škole; imenuje komisiju u skladu sa pozitivno pravnim propisima; odlučuje o korištenju sredstava preko iznosa određenog pozitivno pravnim propisima; rješava žalbe učenika, odnosno roditelja učenika na rješenje o izricanju odgojno-disciplinske mjere iz člana 94. Zakona; utvrđuje prijedlog plana upisa učenika u prvi razred; verificira konačnu listu upisanih učenika u prvi razred; rješava o žalbama i prigovorima koji se odnose na rad direktora škole; rješava po žalbama i prigovorima kandidata po javnom konkursu za prijem radnika; razmatra prijedloge odluka, preporuka i prijedloga koji se upute školskom odboru i preduzima odgovarajuće mjere; rješava sva pitanja odnosa s osnivačem; razmatra i odlučuje o pitanjima radnopravnog statusa direktora škole; prati, ocjenjuje i kontrolira rad direktora škole; u vanrednim situacijama kada je dorektor privremeno spriječen da obavlja poslove iz nadležnosti direktora, uz saglasnost Ministarstva, ovlašćuje nastavnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost; donosi plan kadrovskih potreba u srednjoj školi za petogodišnji period; utvrđuje konačnu rang listu radnika koji su djelimično ili potpuno ostali bez radnih zadataka; na osnovu saglasnosti Ministarstva na prijedlog direktora donosi odluku o raspisivanju konkursa za prijem radnika; vrši i druge poslove u skladu sa pozitivno pravnim propisima i pravilima srednje škole.

Školski odbor je nadležan za odlučivanje u drugom stepenu na odluke direktora srednje škole na koje je dopuštena žalba ili prigovor.

III

Za predsjednika i člana školskog odbora škole srednje škole, srednjoškolskog i školskog centra kao javne ustanove na području Kantona Sarajevo može biti imenovan kandidat koji ispunjava slijedeće opće uvjete:

- da je stariji od 18 godina;
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri (3) godine od dana objavljivanja upražnjene pozicije;
- da se na tog kandidata ne odnosi član IX Ustava Bosne;
- da nije osuđivan za krivično djelo nespojivo sa dužnošću u školskom odboru srednje škole, srednjoškolskog i školskog centra;
- da nije izabrani zvaničnik, nosilac izvršnih funkcija, savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, br. 70/08) da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22,44/22-Ispravka i 52/22-Ispravka) odnosno da nije lice koje je izabrano u organe predstavničke, zakonodavne, izvršne i sudske vlasti, niti lice koje ima smetnje za imenovanje u skladu sa zakonima kojima se regulišu pitanja sukoba interesa na svim nivoima vlasti;

- f) da nije izabran u organe i tijela političkih partija;
- g) da nije radnik Ministarstva;
- h) da nije radnik Javne ustanove Institut za razvoj preduniverzitetskog obrazovanja Kantona Sarajevo;
- i) da nije radnik općine na području Kantona Sarajevo i radnik Grada Sarajeva.

Pored općih uvjeta, kandidat koji se imenuje na poziciju predsjednika ili člana školskog odbora srednje škole, srednjoškolskog i školskog centra kao javne ustanove na području Kantona Sarajevo treba da ispunjava i slijedeće posebne uvjete:

a) za predsjednika - predstavnika Ministarstva, općine ili Grada Sarajeva:

- 1) da ima najmanje VII stepen stručne spreme ili prvi ciklus studija po bolonjskom procesu,
- 2) da ima najmanje pet godina radnog staža u struci,
- 3) da nema privatni finansijski interes u školi u čiji školski odbor se kandidira,
- 4) da nije direktor registrirane na području Kantona Sarajevo,
- 5) da nije radnik škole u čiji se školski odbor kandidira,
- 6) da nije roditelj učenika koji pohađa školu u čiji se školski odbor kandidira,

b) Za člana školskog odbora – predstavnika radnika:

- 1) da ima završen najmanje VII stepen stručne spreme ili prvi ciklus studija po bolonjskom procesu,
- 2) da ima najmanje pet godina radnog staža u struci,
- 3) da nije direktor škole registrirane u Kantona Sarajevo,
- 4) da nije roditelj učenika koji pohađa školu u čiji se školski odbor kandidira,
- 5) da ima status radnika u školi kao javnoj ustanovi u smislu važećih propisa o radu,

c) Za člana školskog odbora - predstavnika roditelja/staratelja:

- 1) da ima završen najmanje IV stepen stručne spreme,
- 2) da nije direktor škole registrirane u Kantona Sarajevo,
- 3) da nije radnik škole u čiji se školski odbor kandidira,
- 4) da ima status roditelja učenika škole u čiji se školski odbor kandidira,

IV

Predsjednika i članove školskog odbora imenuje Vlada Kantona Sarajevo. Za Vladu Kantona Sarajevo, obavezujući su prijedlozi za imenovanje predstavnika roditelja/staratelja učenika i radnika škole, koje u skladu sa važećim propisima izaberu nadležne strukture. Mandat predsjednika i članova školskih odbora, imenovanih po ovom Javnom oglasu, će trajati do isteka četverogodišnjeg mandata predsjednika i članova školskih odbora imenovanih od strane Vlade Kantona Sarajevo, po osnovnom Javnom oglasu.

V

Prijavljivanje se vrši putem prijavnog Obrasca 1. koji se može preuzeti u šalter-sali Kantona Sarajevo (Ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo (www.mo.ks.gov.ba).

Na istim mjestima se može preuzeti obrazac Izjava o ispunjavaju uvjeta (dokaz tačke III) i Obrazac za pitanja o eventualnom postojanju sukoba interesa.

Prijavu sa cjelokupnom traženom dokumentacijom kandidat treba dostaviti lično ili poštom preporučeno, na adresu Ministarstva za odgoj i obrazovanje Kantona Sarajevo (ul. Reisa Džemaludina Čauševića br. 1 Sarajevo), sa naznakom «Prijava na Javni oglas za Školski odbor JU " _____ "- ne otvaraj – otvara Komisija».

(*Upisati naziv ustanove*)

Kandidati su, uz potpisani Prijavni obrazac, dužni dostaviti slijedeću dokumentaciju:

- 1. kratku biografiju;
- 2. rodni list (original ili ovjerenu kopiju);

3. univerzitetku diplomu o završenom najmanje VII stepenu stručne spreme ili prvom ciklusu studija po bolonjskom procesu (ovjerena kopija, format A4), odnosno diplomu o završenom najmanje IV stepenu stručne spreme za kandidata za člana školskog odbora – predstavnika roditelja/staratelja učenika;
4. potvrdu/uvjerenje o radnom stažu potpisano i ovjereno od strane poslodavca ili uvjerenje Federalnog zavoda za mirovinsko i invalidsko osiguranje – Federalnog zavoda za penzijsko i invalidsko osiguranje o podacima registrovanim u matičnoj evidenciji osiguranika - najmanje pet godina radnog staža u struci;
5. potpisano Izjavu o ispunjavanju uvjeta (dokaz tačke III) ovjerenu od strane nadležne općinske službe;
6. Obrazac za pitanja o eventualnom sukobu interesa.

Sve dokumente potrebno je priložiti u originalu ili fotokopiji ovjerenoj kod nadležne općinske službe. Dokumentacija dostavljena na Javni oglas se ne vraća.

Komisija zadržava pravo da ostale dokaze u vezi sa dostavljenom dokumentacijom zatraži naknadno ili samostalno pribavi i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Javni oglas će biti objavljen u dnevnom listu „Oslobođenje“, „Službenim novinama Federacije Bosne i Hercegovine“, na zvaničnoj internet stranici Vlade Kantona Sarajevo, na zvaničnoj internet stranici Ministarstva za odgoj i obrazovanje i škole u kojoj se vrši imenovanje na pozicije predsjednika i članova školskog odbora.

Javni oglas ostaje otvoren petnaest (15) dana od dana posljednjeg javnog objavljivanja.

Nepotupne, neuredne i neblagovremene prijave neće biti razmatrane.

Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Napomena: Tekst Javnog oglasa je dostupan i na web stranicama: www.vlada.ks.gov.ba i www.mo.ks.gov.ba.

Procedura obrade aplikacije i objedinjavanja prijedloga provest će se u skladu sa odredbama Pravilnika o izboru, razrješenju i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo. Svi kandidati koji ispunjavaju uvjete bit će pozvani na intervju pred Komisijom za izbor.

Podnosioci prijave sa kojima se ne stupi u kontakt u roku od 15 dana nakon roka za podnošenje, prijava neće biti uzeta u razmatranje u daljem procesu imenovanja.

Komisiju za izbor imenuje Vlada Kantona Sarajevo, posebnim rješenjem.

MINISTRICA

Naida Hota-Muminović, s.r.